

徐霞客遊記大觀

上海掃葉山房發行

徐氏年譜之大概

上海華泰大書局發行

徐霞客遊記大觀卷十一

江陰徐宏祖霞客著

子別姓 李 寄介立 輯

滇遊日記五

卯巳五月初一日。平明起。店主人言。自往尖山後。叅府吳公。屢令把總來候。且命店中。

一至即入。報余不知其因。令姑緩之。且遊於市。而主人不聽。已而吳君令把總持名

帖來。言欲躬叩。旅肆不便。乞即枉顧為幸。余領之。因出觀街子。此處五日一大街。在南門外大街來鳳山

麓。是日因早。斷屠祈雨。移街子於城中。早即移街。諸鄉即皆然。遂往晤潘提余。提余宴買實舍人。留余同事。余辭之。

入城謁叅府。一見輒把臂入林。款禮頗至。是日其子將返故鄉。內簡拾行囊。余辭之。

出。吳。四川松潘人。為余談大江自彼處分水嶺發源。分遠省城而復。下午。還寓集鷹合。且言昔為貴州都閫。與陳學憲平人士奇同事。知黃石齋之異。

山寶藏徒徑空來顧。抵暮別去。

初二日。余止寓中。雲峰山。即尖山老師法界來顧。州庠彥李虎變昆玉來顧。李居綺羅

初三日。叅府來候宴。已又觀音寺天衣師令其徒來候。余以叅府有前期。辭之。上午

赴叅府招。所陳多臘味。以斷屠故也。臘味中始食竹鷄。下午。別之出。醉後過萬壽寺拜法界。

不在。出西門。半里過凌雲橋。又西半里。由玉泉池南堰上西山之麓。則觀音寺在焉。

寺東向臨玉泉池。寺南有古刹並列。即玉泉寺矣。天衣師拜經觀音寺。三年不出。一

見喜甚。留余宿。余辭以他日。啜其豆漿粥而返。已昏黑矣。

初四日。叅府令門役以州志至。方展卷。而李君來候。時微雨。遂與之聯騎。由來鳳山東麓。循之南。六里。抵綺羅。入叩李君家。綺羅志作矣羅。其邨頗盛。西倚來鳳山。南瞰水尾山。當兩山夾湊間。蓋羅漢冲之水。流經大洞長洞二小阜間。北曲而注於平塢。乃分為二流。北為飲馬河。而抵城東。南為綺羅水。而逼南山下。又西逼來鳳東南麓。乃南揭兩山夾間。是邨縮其谷口。竹樹扶疎。田壑紆錯。亦一幽境云。是夜宿李君家。余初望騰越中塢。東為球琚矣。比西為寶峰毘盧。南為來鳳羅生。北為干我飛鳳。西北則龍從最聳。而龍潭清海之水溢焉。東南則羅漢冲最深。而羅生黃坡之流發焉。東北則赤土山最遠。而羅武馬邑之源始焉。大盈江惟西南破龍光臺來鳳西麓而去。則是州之脉。蓋西北由集鷹山分脉。南下者為寶峰毘盧。而盡於龍光臺。東曲者一崎為筆峰。再聳為龍從。遂東下而度千我之嶺。又東南而紆為永安亂箭之峭。其曲而西也。余初疑南自羅生水尾。而北轉為來鳳。至是始知羅漢冲水。又南下於羅苴冲。則來鳳之脉。不南自羅生水尾。而實東自黃坡矣。比二坡也。但二坡之西。皆平塢。而南抵羅生脉。從田塢中西度。郡人陳懿典進士文星閣記云。嘉靖壬子。城外週鑿城隍。至正南迤東窰地。文許有絡石。工役斷截之。其石纍纍如脊骨。穿地而來。乃秀峰之元龍正脉也。其說可與余相印証。土人不知。乃分瀾羅漢冲水一枝。北流為飲

馬河而抵於城東。是此脉一傷於分流。再鑿於疏隍。兩受其病矣。土人之為之解者。曰。脉由龍光臺。潛度於跌水河之下。不知跌水河雖石骨下亘。乃大水所趨。一壑之流交注焉。飲馬河本無一水兩分之理。乃人工所為。欲以此掩彼。不可得也。

初五日晨餐後。即從李君循南山之麓東向行。先半里過水應寺。又東二里兩通南山北下之支。有寺在南峽中北向峙。即天應寺也。其後即羅生主峰。仰之甚峻。志稱其條岡分布。不誣也。又東半里上一北下之支。隨之北下。共一里。岡東盡處。竹樹深密。綠蔭襲人。披映心目。其前復起一圓阜。立平疇中。是為團山。與此岡斷而復續。岡東邨廬連絡。余從竹中下。一老人迎入其廬。具臘肉火酒獻。蓋是日端午。而老人與李君有故。遂入而哺之。既午。復東向循南山行。半里。其北復起一長阜。如半月橫於前。是為長洞山。又東二里。遂入山峽。有溪中貫而出。是為羅漢冲。溪南北皆有邨夾峙。峽口由南邨溯溪而東。又二里。越溪之北。有大路倚北山下。乃東逾嶺。趨猛連者。從其北塢中覓溫泉。其泉不熱而溫。流不急而平。一大石突畦間。水滙其旁。淺不成浴。東山下有大洞溫泉。為八景之一。即在其北嶺峽中。與此隔一支嶺。逾而北。頗近。而李君急於還家。即導余從大路西出。二里。過溪南邨。出峽口。隨溪西行。一里。過一橋。從溪南又西。一里。過長洞北麓。北望大洞之阜。夾溪而峙。余欲趨之。浴其溫泉。李

君謂泉在東峽中。其入尚遠。遂強余還。又西一里。過團山北麓。又西三里而還李君家。

初六日晨飯。令顧僕攜卧具。為楊廣哨之遊。先是李君為余言。此地東南由羅漢冲入。二百里。有滄呂山。東南由羅生。四十里。有馬鹿塘。皆有峰巒。可觀。余乃先其近者。計可從硫黃塘半箇山而轉也。東三里。從水應天應二寺之間。南向上山。愈上愈峻。七里。登絕頂。北瞰。即天應寺懸其坑麓。由州塢而北。惟龍從山與之對峙焉。西瞰則旁峽分趨。勢若贅旒。皆下墜於綺羅南向之峽。有龍井出其下焉。惟東眺則本峰頽頽自掩。而南眺則濃霧彌淪。若以山脊為界。咫尺不可見。於是南從嶺上盤峽。俱行氤氲中。茫若蹈海。半里南下。下二里餘。山半復環一壑。其脊自東南圓抱而西。中藏圓塢。有小水西去。其內霧影稍開。而雨色漸逼。雖近睹其田塍。而不免遠罹其沾溼矣。復上南坡。躡坡脊而南。五里。一歧隨脊而西南。一歧墜坡而東向。余漫從脊上直南。已而路漸東下而窮。二里有邨倚東坡下。披霧就訊之。乃清水屯也。按志。城南三十里為清水朗。此其地矣。然馬鹿塘之徑。當從北歧分向而東。此已逾而過南。屯人指余從坡北東下。當從大路從之。半里。東北涉一坑甚深。霧影中窺其東南。旋墜下盤。當時不知其所出何向。後乃知其南界高峰。反西自竹家屯而東突。為陳播箕哨。

也復東北上坡半里見有路東向下輒隨之行不意馬鹿塘正道尚在其北露漫不辨跟踉東下一里餘有峽自北而南溪流貫之有田塍嵌其底而絕無人居塍中插禾已遍亦無一人抵塍而路絕塍狹如線以杖拄畦中東行抵溪而溪兩岸蒙翳不可渡復還依西坡南向一里得小徑渡溪東上一里路伏草間復若斷若續然其上甚峻三里東向登嶺頭復從嶺上東南再陟一嶺半里始見嶺北有岫自北南度中伏再起其東則崩崖下墜其勢甚拓其墜甚峭若中剖其脊并左右兩障而平墜焉此北有路自崩崖北嶺東行南亦有微路自崩崖南嶺東上而此中獨無北交之路余遂循崖南路上東一里路為崩崖所墜復歧而南再陟南嶺半里復東行嶺脊二里始有南來之路循之東北瞰崩崖下陷東向成坑箐木深翳又東半里再陟嶺乃南去微徑始東北下坡曲折連下三里余以為將及北坑之底隨之出即馬鹿塘矣孰知一坡中環路歧而東西繞之未幾遂絕皆深茅叢棘坑嵌其下甚深余始從其南不得道轉而東復不得道往返躑躅茅深棘翳遍索不前久之復從南坡下得微徑下一里餘而東抵坑底則坑中有水潺潺自崩崖東南流坑兩旁俱峭崖密翳全無路影而坑底甚平水流亂礫間時有平沙濚之遂隨之行或東或南仰眺甚逼而終絕路影三里稍開俯見濚沙之上虎跡甚明纍纍如初印隨之又東南一里餘

有小溪自西南來。注有路影南緣之。始舍坑而南陟坡一里。越其上。余意將逾坡東下。而路反從坡脊南行。余心知其悞。然其路漸大。時亦漸暮。以為從大道。即不得馬鹿塘。庶可得棲宿之所。乃躡脊西馳二里。見西峰頂有峰特倚如覆鐘。大道從此分歧。一自東南坡下而上。一向西北峰頂而趨。一從西南盤壑而行。未審所從。姑解所攜飯啖之。余計上下二徑。其去人必遠。不若從盤壑者中行。於是又東南三里。遂墜坡而下。漸聞人聲。下里餘。得茅二龕在峽間。投之。隘鄙不堪宿。望南坡上有數龕。乃下陟深坑。攀峻而上。共一里而入其龕。則架竹為巢。下畜牛豕。而上托爨卧。儼然與粵西無異。屈指自南丹去此。至今已閱十五月。乃復遇之西陸。其中數千里。所不見也。自登崩崖之脊。即望見高黎貢南亘之支。屏列於東。下有深峽。而莫見龍川。意嵌其下也。又西南二十餘里。至所宿之坡。下瞰南峽甚深。即與高黎貢遙夾者。意龍江從此去。西塢甚豁。遠見重山外。亘巨壑中。盤意即南甸所托也。時露黑莫辨方隅。而邨人不通漢語。不能分晰微奧。即徵其地名。據云為鳳田總府莊。南至羅卜思莊一日餘。東北至馬鹿塘在二十里外。然無確據也。夜以所攜米煮粥。啖之而卧。

初七日。陰雨。飯後。余姑止不行。已而邨人言。天且大霽。余乃謀所行。念馬鹿塘在東北。硫磺塘在西北。北山之脊。昨已逾而來。西山之脊。尚未之陟。不若舍馬鹿而逾西

脊以趨硫磺塘。且其地抵州之徑。以硫磺塘為正道。遂從之。土人指余從邨後西北向大山行。余誤由直北一里餘。下涉一澗。溯之北上坡。一里餘。又下涉澗。其處一澗自西峽崩崖來。一澗自北峽崇山來。涉其西來者。又北上坡。半里。路復分歧。一向北峽。一向西峽。皆盤其上坡。余從其北峽者。二里。路漸湮。已北下。則其澗亦自西來。橫塹於前。雖小而頗深。藤箐蒙塞。雨霧淋漓。遂不能入。乃復出。至歧口。轉向西峽。一里。路亦漸湮。其南崩崖下。截即下流之所從出。而莫能逾焉。復出。從歧口。南涉其澗。從澗南。又得一岐。西上。其路甚微。一里。北逾一坡。又北一里。即崩崖西對之坡也。其上皆壑崖。而仍非通道。躡之行。一里。上西頂。頂高雲黑。莫知所從。計返下山。乃轉南。行莽棘中。溼茅壅箐。躡躡東南向。二里。漸有徑。下眺鳳田所宿處。相距止二三里間。更南半里。得大道西去。遂從之。西循北山行。一里。得耕者在坡下。問之。始知其上有小寨。名擺圖。即從楊廣哨入州正道矣。乃亟西北上躡坡。一里。有二茅當峽坪間。是為擺圖寨。由寨後更躡峻而北。半里。登岡。西望盤壑。下開水田漠漠。有溪流貫其中。壑西復有崇山外峙。其南又起一崇山。橫接而南。交接之中。似有水中貫而去。又北上一里半。遂凌大脊。北下迴峽中。半里。一邨廬倚南坡。是為楊廣哨。從此西北下峽底。一里餘。有小溪自東北墜西南。其嵌甚深。乃從昨所度崩崖南嶺分墜而成者。涉之。西北

上復一里餘而躋其脊。余以為即從此緣脊上北大峰矣。而孰意猶中界之支也。半里越脊。又即北下峽底。一里餘。有大溪自北南墜。皆從石崖中破壁而去。此即清水湖東溪也。水嵌峽底甚逼。橫獨木渡其上。余寧木下涉水。即西北上坡。始循崖石。繼躡隴脊。一里餘。轉而東北上。一里躋峰頭。由峰頭西盤半里。復隨峽北行。其峽頗平。行其中。一里餘。當其東西分峽處。有邨廬倚其中。是為陳播箕哨。從哨北即西北下。二里循南山而西。一里有邨廬當坡。是為竹家寨。由寨東向北行。寨後復起一峰。有峽橫其中。路分為二。循北峰直去。為騰越南甸大道。穿北峰南峽而西。為硫磺塘道。余乃舍大道從橫峽西行。半里。忽墜峽西下。其峽甚逼而下甚峻。墜級歷坎。與水爭隘。一里餘。望見西峽自北而南。一溪貫其中。即矣羅邨之水。挾水尾山西峽而南者。溪西之山。峻屹南踞。是為半箇山。按一統志。有羅苴冲。硫磺塘在焉。疑即此山。然州志又兩書之。豈羅苴冲即溪東所下之山耶。又西下半里。直抵溪上。有二塘在東崖之下。乃溫水之小者。其北崖之下。有數家居焉。是為硫磺塘邨。有橋架溪上。余訊大塘之出硫磺處。土人指在南峽中。乃從橋南下。流涉溪而西。隨西山南行。時風雨大至。田塍滑隘。余蹣蹣南行。半里得徑。又南一里。則西山南迸。有峽東注大溪。遙望峽中蒸騰之氣。東西數處。鬱然勃發。如濃煙捲霧。東瀕大溪。西貫山峽。先趨其近。溪煙

勢獨大者。則一池大四五畝。中窪如釜。水貯於中。止及其半。其色渾白。從下沸騰。作滾湧之狀。而勢更厲。沸泡大如彈丸。百枚齊躍。而有聲。其中高且尺餘。亦異觀也。時雨勢亦甚大。持傘觀其上。不敢以身試也。其東大溪。從南下。環山南而西。合於大盈。西峽小溪。從熱池南。東注大溪。小溪流水中。亦有氣勃勃。而池中之水。則止而不流。與溪無異也。溯小溪西上。半里坡間。煙勢更大。見石坡平突。東北開一穴。如仰口。而張其上齧。其中下縮如喉。水與氣從中噴出。如有爐橐鼓風。煽焰於下。水一沸躍。一停伏。作呼吸狀。躍出之勢。風水交迫。噴若發機。聲如吼虎。其高數尺。墜澗下流。猶熱若探湯。或躍時。風從中捲。水輒旁射。攪人於數尺外。飛沫猶燎人面也。余欲俯窺喉中。為水所射。不得近。其齧齧之上。則硫磺環染之。其東數步。鑿池引水。上覆一小茅。中置桶養硝。想有磺之地。即有硝也。又北上坡百步。坡間煙勢復大。環崖之下。平沙一圍。中有孔數百。沸水叢躍。亦如數十人鼓煽於下者。似有人力引水。環沙四圍。其水雖小而熱。四旁之沙亦熱。久立不能停足也。其上煙湧處雖多。而勢皆不及此三者。有人將沙圓堆如覆釜。亦引小水四週之。雖有小氣。而沙不熱。以傘柄戳入。深一二尺。其中沙有磺色。而亦無熱氣。從戳孔出。此皆人之釀磺者。時雨勢不止。見其上有路。直逾西嶺。知此為半箇山道。遂凌雨躡崖。其崖皆堆雲駢解。崿岬嵌空。或下陷。

上連。或旁通側裂。人從其上。行。熱氣從下出。皆迸削之餘骨。崩墜之剝膚也。所云半箇之稱。豈以此耶。躡崖半里。從其南循嶺西上。一里。漸隨峽南轉。則其峽自南嶺頭墜。中有水懸而為瀑。作兩疊。墜北下。即峽水之上流也。又上半里。遂西逾瀑布之上。復從峽西。更西南上。一里。漸轉而西。半里。見大道盤西崖墜處。出南岫去。小徑則西上峰頂。漸轉北行。蓋此即半箇山之頂。至此南下為岫。入城之路。當在其東北。不應西去。遂捨大道從小道。西上半里。隨峰東向北行。二里餘。乃西北下。得竹塢邨廬。時雨勢甚大。避雨廬中。就火沸湯。瀹飯而食之。其處即半箇山邨也。昔置鎮彝關於路次。此為屯哨。今關廢而邨存云。由其東下坡。隨峽東行。里餘與南來大道合。隨西山北轉而行。於是水尾西溪。即從此峽南下硫磺塘矣。北行二里餘。復陟東突之坡。行坡峽中。五里稍下。又一里。而綺羅邨在東坡下矣。時已薄暮。遂捨入州大道。東里餘。宿李虎變家。虎變以騎候於馬鹿道中。不遇。甫返。煮竹蕕相符。

初八日。大雨。不成行。坐李君家。作田畧州期政四謠。以李君命也。

初九日。大雨。復不成行。坐李君家錄騰志。

初十日。雨不止。既午稍霽。遂同李君聯騎。由邨西半里。橫陟半箇山南甸大路。經南草場。半里。西上嶺坡。乃來鳳南度半箇山之脊也。來鳳至是。南降而下。伏脊間中窪。

為平塘。而不受水窪之西為金銀堆。即南度之脊。窪北半里有坪倚來鳳。而南瞰半箇山。乃昔王尚書驥駐營之處。志稱為尚書營。涉坪北半里有路橫沿來鳳峰南。西越金銀堆。出芭蕉關。芭蕉關西通河上屯緬甸之道。州西跌水河路不若此之平。昔兵部郎中龔永吉從王公南征。有狹轉芭蕉關。難於概觀。坡之句。從此復轉騎。循來鳳東峰而北八里。乃還官店。迨晚復雨。

十一日。雨不止。坐官店。上午。李君家。下午。雨少止。淨甚。蹣泥往潘生家。不遇。以書促

其為余買物。亦不答。

潘生一桂。雖青衿。而走緬甸。家多緬貲。時倪按君命承差來覓碧玉。潘苦之。故屢要避客。

十二日。雨。坐店中。李生以期政四謠。私投署州田二府。不答。

十三日。雨時止時作。而泥濘尤甚。李生來。同往蘇元玉寓觀玉。蘇滇省人。本青衿。棄

文就戎。為吳參府幕客。先是一見顧余。余亦目其有異。非風塵中人也。

蘇有碧玉。皆為簪。但色太

沉。余擇四枝。攜寓中。後為李生強還之。

十四至十八日。連雨不止。坐寓中。不能移一步。潘掟余以倪院承差蘇姓者。索碧玉

寶石。窘甚。屢促不過。余寓亦不敢以一物示人。蓋恐為承差所持也。幸吳參府以程

儀惠余。更索其八關併三宣六慰諸圖。余一一抄錄之。數日無暇刻。遂不知在寓中。

并在雨中。

潘生送翠生石二塊。蘇元玉答筆茶竹方環。

十九日晨。雨少止。覓擔夫。以連日雨濘。貴甚。既而雨復作。上午。乃止而行。店人欲捐

余羅一端不遂與之閱而後行。由東街始濘甚。已而漸燥。二里居廬始盡。下坡行膝中。半里連越二小橋。水皆自東南來。即羅漢冲所出分流之水也。又二里餘為雷打田。有數家東向。從其前轉而東行。里餘。又過一小亭橋。其流亦自東南向西北者。乃黃坡泉所溢也。又東里餘抵東坡下。停擔於酒家。問大洞溫泉道。土人指在東南山岫中。此去尚有數里。時天色已霽。令擔夫與顧行待於其家。余即循東山而南。二里過土主廟。廟倚山西向。前二栢巨甚。又南二里路歧為二。一南循山麓為黃坡道。一東南上坡為趨溫泉道。乃從上坡者。南一里登坡嘴。西瞰山麓有泉。西向溢於下。即黃坡之發源處也。於是東轉有路頗大。橫越之。就其東南小徑一里。漸上坡折而東北。睨溫泉之峽。當在其南。中亦有峽。南下第茅塞無徑。遂隨道西北上。一里其道漸高。心知其悞。有負芻者二人至。問之曰。此入山樵道。可通芹菜塘者。溫泉在南。尚隔一峰。遂與之俱返。一里下至茅塞之峽。指余南去。余從之。橫蹈峽中。既漸得小徑。半里忽有峽。從足下下墜而西。其上石崖駢突如門。從其東又南。半里逾坡而下。其峽始大。有水淙淙流其中。田塍交濚之。即大洞邨之後峽也。有大道從峽中東上。又南下半里。從之東。半里上一坡。大道東北上。亦芹菜塘道。乃從坡東南下。半里及溪。又東溯溪。半里則溪流奔沸盤石中。右一崖突而臨之。崖下則就石為池。而溫泉匯焉。

其池與溪同峽。而水不關溪流也。崖石疊覆如累碁。其下湊環三面。成一小孔。可容一人坐浴。其後倒覆之石。兩片下垂而中劃。如所謂試劍石。水從片石中淙淙下注。此溫泉之源也。池孔之中。水俱不甚熱。正可着體。其上更得一亭覆之。遂免風雨之慮矣。時池上有十餘人共浴。余恐其旁有石洞。姑遍覓之。不得。乃還浴池中。又三里。隨山之西嘴抵黃坡。轉北一里。過麓間溢水之上。又北三里。乃入來時分歧處。又西北四里。至矣。比坡之麓。促挑夫行。以晚辭。遂止。

二十日晨起。飯而登坡。雨色復來。平上二里。峻上八里。抵嶺頭。又平行嶺上四里。又稍下一里。過芹菜塘。復東上坡。半里而下。半里過木廠。又下二里。過北山之峽。又東上三里。至坡脊。平行脊間。一里至永安哨。五六家當坡間而已。又東南半里。逾嶺脊而下。一里有水自北而南。路從之。半里乃東涉坡。平行脊上。三里至甘露寺。飯。從寺東下。三里至赤土鋪橋。其下水自南而北。即大盈江水也。一統志謂大盈之源。出自赤土。其言不謬。橋東復上。半里有四五家當坡。為赤土鋪。鋪東又上。半里。遂從嶺脊東南行。一里有岐南去。為猛柳道。余仍東南。三里乃東下。又十里而止於橄欖坡。時纔午。雨時下時止。遂止不前。

二十一日。平明起。飯。自橄欖坡東下。五里抵龍川江西岸。過巡檢司。即下渡橋。西岸

峻若堵牆。乃循岸北向。疊級始達橋。橋東有閣。登之可眺江流天矯之勢。又南向隨東岸行。半里。東向平上者一里餘。始曲折峻上。五里過茶房。僧舍無一人。又峻上三里。過竹笆鋪。又上七里餘。飯於小歇場。又上五里。過太平鋪。又平行入塢。二里餘。有水自北澗來。涉之遂東上。其上逾峻。兩旁皆竹石深翳。而風雨西來。一天俱漫。於是行雨浪中。三里。逾一最高之嶺。乃屢上屢下。屢脊屢岫。皆從密箐中行。七里抵新安哨。雨三家夾嶺頭。皆以劈藤竹為業。時衣溼透寒甚。就其家燒薪炊之。又二里餘。抵分水關。有五六家當關之東。余乃就火炙衣。賞燒酒飲四五杯。乃行。天色大霽。路磴俱燥。乃知關名分水。實分陰晴也。於是東向下者八里。始就東行之脊。又二里。過蒲滿哨。又平行嶺上。東十五里。宿於磨盤石之盧姓者家。有小房五六處。頗潔。

二十二日。平明行。其下甚峻。曲折下者六里。及嶺北之澗。是嶺自蒲滿哨分支東突。左右俱有深峽。夾流來時。從南峽上行。至此壁北峽之口。過涉北澗。又越北嶺。東突之嘴。共一里餘。而過八灣。八灣亦有數家居坡上。人謂其地暑瘴為甚。無敢置足者。於是東向行平坡間。十二里抵江。則怒流奔騰。勢倍於來時矣。乃坐巨樹下待舟。觀洪流洶湧。競渡者之紛紜。不啻從壁上觀也。俟久之。乃渡而東上坡。三里抵北山之麓。循坡東行。五里。逾南下之嘴。得一橋跨澗。是為箐口。於是渡澗入峽。循澗南崖東

向上二里過一碑。即來時所見盤蛇谷碑也。又東三里過一西來枯澗。又二里南折而北。乃逾其北突之嘴而東。遂東南漸上。其峽遂曲折掩蔽。始不能西見高黎貢峰矣。又南六里抵楊柳灣而飯。乃逾南來之峽。溯東來之流。二里有橋跨澗。西渡之從澗西溯箐上。又一里為打板箐。有數十家當澗西。又東北四里過平度之脊。其脊度峽中。乃自北而南。即從冷水箐西度蒲縹。又北過此夾蒲縹之水。北出而入潞江者也。是日熱甚。得一陰輒止而延憩。數息樹邊不復問行之遠近矣。過脊東下一里止於落馬廠。時纔下午。以熱甚。擔夫不前也。

二十三日。平明從落馬廠東行。三里逾東突之山嘴而南。又一里餘有一菴倚西山之上。又南四里過石子哨。始南下。二里餘望溫泉在東山下。乃從歧東南下。二里餘轉而北。涉北流一澗。又半里東從石山之嘴得溫泉焉。其水溫而不熱。渾而不澄。然無氣燭可浴。其山自東山橫突而西。為蒲縹下流之案也。浴久之從澗東溯流。二里餘抵蒲縹之東邨。

清人縹人。乃永昌九蠻中二種。

飯以擔夫不肯前。逗留久之。乃東二里上坡。五里

迤邐上峰頭。又平行嶺夾一里稍東下。有亭橋跨峽間。時風雨大至。而擔夫尚後坐亭橋待久之。過午始行。又東南上坡。逾坡一重。轉而北。又逾坡一重。共六里。過孔雀寺。又東上坡五里。直躡東峰南突之頂。此頂自北而南。從此平墜度為峽。一岡西迤。